



Komisija za izbor, imenovanja i finansijsko-administrativna pitanja

Na osnovu člana 7. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/3, 34/03 i 65/13), a u vezi sa članom 26. Statuta JP „Radio-televizija Unsko-sanskog kantona“ d.o.o. Bihać, Komisija za izbor, imenovanja i finansijsko-administrativna pitanja, na 24. sjednici održanoj dana 27.06.2023.godine, raspisuje

**J A V N I O G L A S**  
**ZA IZBOR ČLANOVA SKUPŠTINE**  
**JP „Radio-televizija Unsko-sanskog kantona“ d.o.o. Bihać**

U skladu sa Zakonom o ministarskim, vladinim i drugim imenovanjima Federacije Bosne i Hercegovine i Statutom JP „Radio-televizija Unsko-sanskog kantona“ d.o.o. Bihać, imenovanje članova Skupštine JP „Radio-televizija Unsko-sanskog kantona“ d.o.o. Bihać vrši Skupština Unsko-sanskog kantona, na prijedlog Komisije za izbor, imenovanja i finansijsko-administrativna pitanja.

Skupština JP „Radio-televizija Unsko-sanskog kantona“ d.o.o. Bihać se sastoji od tri člana.

**I. NADLEŽNOSTI SKUPŠTINE**

- (1) Skupština društva, pored nadležnosti propisanih Zakonom o privrednim društvima („Službene novine Federacije Bosne i Hercegovine“, br. 81/15 i 75/21) i Zakonom o javnim preduzećima („Službene novine Federacije Bosne i Hercegovine“, br. 8/05, 81/08, 22/09 i 109/12) obavlja i sljedeće nadležnosti utvrđene Statutom:
- a) donosi Etički kodeks društva, pravilnike, poslovnike i druge opće akte po prijedlogu Nadzornog odbora,
  - b) odlučuje o usvajanju godišnjeg Izvještaja revizora, Izvještaj Nadzornog odbora i Odbora za reviziju,
  - c) odlučuje o raspodjeli godišnje dobiti i načinu pokrića gubitka, uz saglasnost Osnivača,
  - d) odlučuje o povećanju i smanjenju osnovnog kapitala, uz saglasnost Osnivača,
  - e) odlučuje o ograničenju i isključenju prava prijenosa udjela uz saglasnost Osnivača,
  - f) odlučuje o prijedlogu za podnošenje zahtjeva za naknadu štete prouzrokovane povredama Zakona, ugovora ili Statuta prema članovima Uprave i Nadzornog odbora, uz saglasnost Osnivača,
  - g) odlučuje o donošenju Plana poslovanja, odnosno revidiranog Plana poslovanja, investiranju te trajnoj poslovnoj saradnji, uz saglasnost Osnivača,
  - h) odlučuje o promjeni firme, znaka, sjedišta i promjeni, odnosno proširenju djelatnosti, uz saglasnost Osnivača,
  - i) odlučuje o statusnim promjenama društva (spajanje sa drugim društvima, pripajanje drugom društvu, podjela društva na dva ili više društava uz saglasnost Osnivača),
  - j) odlučuje o promjeni oblika Društva, uz saglasnost Osnivača,
  - k) ako društvo prestaje provođenjem likvidacije, odobrava početni likvidacioni bilans i završni račun po okončanju likvidacionog postupka, uz saglasnost Osnivača,
  - l) odlučuje o izboru, imenovanju i razrješenju predsjednika i članova Nadzornog odbora,
  - m) odlučuje o izboru i razrješavanju članova Odbora za reviziju,
  - n) odlučuje o naknadama članova Nadzornog odbora i Odbora za reviziju,
  - o) odlučuje o drugim pitanjima utvrđenim Zakonom i Statutom.

## II. MANDAT I NAKNADA ZA RAD

- (1) Izabrani članovi Skupštine JP „Radio-televizija Unsko-sanskog kantona“ d.o.o. Bihać imenuju se na mandatni period od 4 (četiri) godine.
- (2) Predsjednik i članovi Skupštine imaju pravo na naknadu za rad.

## III. OPĆI I POSEBNI USLOVI

### (1) Opći uslovi

- a) da je osoba starija od 18 godina,
- b) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja konkursa,
- c) da se na tog kandidata ne odnosi član IX.1. Ustava Bosne i Hercegovine,
- d) da nije osuđivan za krivično djelo,
- e) da se protiv njega ne vodi krivični postupak,
- f) da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija, u smislu člana 5. Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08),
- g) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine.

### (2) Posebni uslovi

- a) da ima završen najmanje VII stepen obrazovanja ili diplomu visokog obrazovanja I ciklusa Bolonjskog sistema studiranja (180 ili 240 ECTS),
- b) da ima najmanje 3. godine radnog iskustva u struci.

## IV. PRIJAVLJIVANJE - POTREBNI DOKUMENTI

Kandidati su dužni dostaviti sljedeću dokumentaciju (original ili ovjerene kopije koje ne smiju biti starije od 6 mjeseci):

- a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992.godine),
- b) dokaz o radnom iskustvu,
- c) izvod iz matične knjige rođenih,
- d) izjave za uslove iz tačke III. alineja b), c), f) i g) i
- e) uvjerenje za uslov iz tačke III. alineja e).

Potrebni dokumenti traženi Javnim oglasom dostavljaju se uz popratni akt u kojem se obavezno navode lični podaci (ime, prezime, adresa, broj telefona), kao i izjašnjenje o nacionalnosti.

## V. DODATNA POJAŠNENJA

Radno iskustvo podrazumjeva obavljanje poslova VSS i dokazuje se uvjerenjem o činjenicama iz službene evidencije ili potvrdom poslodavca. Uvjerenje o uplaćenim doprinosima (PIO listing) se neće priznavati kao dokaz za traženo radno iskustvo.

Izjave za uslove iz tačke III. alineje III. alineja b), c), f) i g) mogu se dostaviti na jednom papiru koji mora biti vlastoručno potpisan i ovjeren od nadležnog organa.

Komisija će za kandidate koji ispunjavaju uslove Javnog oglasa izvršiti službenu provjeru podataka iz kaznene evidencije iz tačke III. alineja d).

## VI. NAPOMENA

Svi kandidati koji budu ispunjavali uvjete konkursa bit će pozvani na intervju pred Komisijom za izbor, imenovanja i finansijsko-administrativna pitanja. Kandidate koje nakon intervjua preporučiti Komisija za izbor smatrat će se da su najuspješnije prošli otvorenu konkursnu proceduru.

Javni oglas objavljuje se u Službenim novinama Federacije Bosne i Hercegovine, dnevnom listu „Oslobođenje“ i na web stranici Skupštine Unsko-sanskog kantona [www.skupstinausk.ba](http://www.skupstinausk.ba) i ostaje otvoren 15 dana od dana posljednjeg objavljivanja.

Popratni akt sa traženom dokumentacijom dostaviti lično na protokol pisarnice Službe Skupštine Unsko – sanskog kantona ili putem pošte na adresu:

SKUPŠTINA UNSKO-SANSKOG KANTONA  
Komisija za izbor, imenovanje i finansijsko administrativna pitanja  
Ul. Alije Đerzeleza br. 2  
77000 BIHAĆ  
sa naznakom  
PRIJAVA NA JAVNI OGLAS ZA IZBOR ČLANOVA  
SKUPŠTINE JP „Radio-televizija Unsko-sanskog kantona“ d.o.o. Bihać  
– NE OTVARATI

Nepotpune i neblagovremene prijave neće se uzeti u razmatranje.

Predsjedavajući Komisije za izbor  
imenovanja i finansijsko-administrativna pitanja  
Agan Bunić

